

高麗史

卷二

高麗史第二目錄

志三十九卷

第一 高麗史四十七

天文一.....一

第二 高麗史四十八

天文二.....二四

第三 高麗史四十九

天文三.....四六

第四 高麗史五十

曆一.....六四

第五 高麗史五十一

曆二.....九三

第六 高麗史五十二

曆三.....二七

第七 高麗史五十三

五行一.....一七二

第八 高麗史五十四

五行二.....一九七

第九 高麗史五十五

五行三.....二二六

第十 高麗史五十六

地理一.....二二七

第十一 高麗史五十七

地理二.....二四一

第十二 高麗史五十八

地理三.....二六三

第十三 高麗史五十九

禮一.....二七九

第十四 高麗史六十 第二十一 高麗史六十七

禮二 ..... 二九四 禮九 ..... 三九六

第十五 高麗史六十一 第二十二 高麗史六十八

禮三 ..... 三〇八 禮十 ..... 四一

第十六 高麗史六十二 第二十三 高麗史六十九

禮四 ..... 三二八 禮十一 ..... 四二六

第十七 高麗史六十三 第二十四 高麗史七十

禮五 ..... 三四五 樂一 ..... 四三九

第十八 高麗史六十四 第二十五 高麗史七十一

禮六 ..... 三五五 樂二 ..... 四五二

第十九 高麗史六十五 第二十六 高麗史七十二

禮七 ..... 三七一 輿服 ..... 四七二

第二十 高麗史六十六 第二十七 高麗史七十三

禮八 ..... 三八三 選舉一 ..... 四九四

第二十八	選舉二	高麗史七十四	第三十五	兵一	高麗史八十一
第二十九	選舉三	高麗史七十五	第三十六	兵二	高麗史八十二
第三十	百官一	高麗史七十六	第三十七	兵三	高麗史八十三
第三十一	百官二	高麗史七十七	第三十八	刑法一	高麗史八十四
第三十二	食貨一	高麗史七十八	第三十九	刑法二	高麗史八十五
第三十三	食貨二	高麗史七十九			
第三十四		高麗史八十	第一	表二卷	高麗史八十六
食貨三		六〇三	年表一		七二〇
		六一八			

第二 高麗史八十七

年表二……………七三三

志卷第一 高麗史四十七

正憲太子曹判書集賢殿大提學經筵春秋館事兼成均大司成鄭麟趾奉  
教條

天文 一日薄食 暈 珥及日變

自伏羲仰觀俯察黃帝迎日推策堯曆日月以授人時舜察  
璣衡以齊七政而觀天之道備矣易曰天垂象見吉凶聖人  
象之故孔子因魯史作春秋於日食星變悉存而不削所以  
慎之也高麗四百七十五年閒日食一百三十二年五星凌  
犯及諸星變亦多今採其見於史者作天文志

穆宗十二年二月己丑日色如張紅幕

顯宗元年十一月戊戌日暈如虹旁有珥色青赤 三年八

月丙申朔日食 四年十二月戊午朔日食 五年三月庚

寅白虹貫日辛丑白氣貫日壬寅日旁赤氣相盪 六年正

月丙申日旁有青赤氣六月己酉朔日食上有白氣如虹良

久乃滅十月甲午日旁有氣相背 八年三月丙午白氣貫

日 九年三月庚申白氣貫日 十年三月壬午朔日食九

月甲寅朔太史奏日食陰雲不見 十一年閏十二月戊申

日重暈 十二年正月庚辰白氣貫日七月甲戌朔日食

十五年五月丁亥朔日當食不食十一月乙酉朔日當食不

食 十六年三月己丑白氣貫日十一月己卯朔太史奏日

當食不食 十七年二月乙丑白氣貫日十月癸酉朔日食

二十年八月丁亥朔日食

德宗元年九月癸亥朔日色如擘

靖宗二年十月戊申日傍有青赤氣環繞 六年正月丙辰

朔日食二月壬子日暈白虹貫暈十一月甲子日暈有兩珥

八年十二月乙巳日有四抱白虹貫日 九年五月丁卯

朔日食 十一年三月戊辰日有背氣四月丁亥朔太史奏

日當食陰雲不見 十二年三月辛巳朔日食王避殿素欄

救食

文宗元年三月乙亥朔日食 二年十二月甲午晦日食

七年十月丙申朔日食 十二年閏十二月丙申晦日食

十三年十二月辛酉朔日食 十九年十月乙巳日重暈

赤氣貫日又有兩珥 二十年四月己丑日旁有氣如虹

二十二年正月甲戌朔日食 二十三年七月乙丑朔日食

二十七年四月甲戌朔日食 二十九年八月庚寅朔日

食 三十年二月丁亥朔日食 三十三年六月丁酉朔日

食 三十四年十一月己丑朔日食

宣宗八年五月己未朔日食 十一年正月丙子日冠左右

珥壬辰日傍東西有彗白虹衝日戊戌亦如之

獻宗元年正月戊戌日有彗兩傍有彗太史奏日有彗近臣

亂諸侯有欲反者

肅宗元年五月辛卯朔日彗三重 四年十月乙卯日有彗

兩珥 五年正月丁丑日旁有珥色白四月丁酉朔日食

六年正月己丑日彗四月辛卯朔日食 七年十月乙亥日

東北有青赤虹庚辰日有兩珥十二月乙亥赤虹貫日 八

年四月丁巳赤虹犯日 九年二月丙午日有彗 十年正

月庚寅日正中無光而重彗有珥

睿宗元年三月丙申日有重彗白虹貫之十一月甲午日有

彗十二月戊午朔日食 四年四月己卯日色赤而無光動

搖 五年三月乙卯日色如血無光 六年三月甲申日赤

無光十二月癸巳日有兩珥白氣貫于東西北有彗 七年

三月甲戌日有珥 八年三月壬子朔太史奏日當食密雲

不見十二月庚申日有左右珥 十年二月丁未日彗三重

有珥白虹貫之七月戊辰朔日食 十三年五月癸未朔日

食十二月戊子日珥己丑亦如之 十五年十月戊辰朔日

食 十六年正月戊午日有彗 十七年正月甲申日彗有

珥二月庚寅朔日食三月丁卯日有彗己巳日有珥四月丙

申日有重輪十二月己酉日有兩珥

仁宗元年八月辛巳朔日食十二月壬辰日有兩珥 二年

正月甲寅日有兩珥丙寅日有三珥閏三月甲申日赤無光

丙戌日色黃赤十二月丁巳日彗有兩珥 三年四月丁卯

日月同出東西相距五丈許 四年正月戊辰日有兩珥翼

日亦如之甲午白虹貫日重彗三月甲午日色如血十一月

戊子日珥閏月己酉日珥 六年三月戊申日色無光赤黃

己酉日色無光而赤黃 七年正月丁亥三日並出相連如

虹三月辛巳白虹貫日九月丙午朔日食十二月乙酉日東

西有背氣外有環暈戊子日有兩珥東有背氣上有半暈中  
 貫青赤色 八年八月戊寅日三珥色青赤十一月壬子日  
 南至日珥 九年二月辛巳白虹貫日 十一年十月己亥  
 日有珥十一月戊寅兩日並出 十二年正月戊寅白虹貫  
 日二月乙酉白氣貫日十月戊子白虹貫日日暈有珥 十  
 三年正月乙巳朔日食密雲不見二月壬午日有暈白虹貫  
 之 十五年八月丙申日有暈赤黃色十一月丁巳青赤暈  
 貫日 十六年正月癸巳日暈有珥二月癸亥日有暈甲子  
 日有暈十月乙亥日有暈內黑外赤 十七年正月庚寅日  
 有暈色青白二月壬戌日有暈色青白 十九年四月丙戌  
 白暈貫日十二月丁卯日有暈兩旁有珥白氣發珥東西衝  
 貫長數十丈 二十一年正月己丑朔日食十二月癸未太  
 史奏日當食不食 二十二年十一月庚戌日暈有珥 二  
 十三年六月乙亥朔日食七月己未日暈十一月戊申日暈  
 毅宗元年十一月己卯日珥 二年三月戊辰日無光十二  
 月己卯日暈色青黑 三年三月癸未朔日食十二月辛酉  
 日珥 五年三月癸酉日有黑子大如雞卵癸未日中有黑

子大如雞卵翌日亦如之 八年五月癸丑朔日食 九年  
 五月丁未朔日食 十二年三月辛酉朔日食癸酉日無光  
 五月己巳白虹貫日六月庚戌日無光 十三年正月丙辰  
 日暈有珥色青赤白西北方有二背氣三重皆去日輪不數  
 尺閒人望之皆謂三日並出 十四年正月己亥日中有怪  
 氣三日八月丙午朔日食癸酉日中有黑子 十六年正月  
 戊辰朔日食 十七年六月庚申朔日食 十八年正月庚  
 子白虹貫日六月甲寅朔日食十一月甲午白虹圍日南西  
 北各有珥如日相貫 十一年正月戊午日暈有珥上有戴  
 氣庚申又日暈有珥東北有背氣三月癸亥白氣貫日四月  
 戊辰朔日食 二十三年八月甲申朔日食 二十四年七  
 月己卯朔日食  
 明宗元年九月辛卯日有黑子大如桃十月戊午日有黑子  
 大如桃 三年五月壬辰朔日食 四年十一月甲申朔日  
 食 五年十二月癸未日有左右珥南北暈 六年三月丙  
 午朔日食七月丙寅日無光十二月甲戌日有兩珥 七年  
 三月辛丑朔日無光己酉日月無光 八年正月庚申日有



南北珥十月壬辰日珥 九年正月癸未日抱三珥色青白  
 又赤二月丙辰日暈東有背氣內赤外黃四月癸巳日有珥  
 又有抱氣長一丈內赤外黃五月丙寅日有三珥南北赤黑  
 西方白又南西北有抱氣色白十二月甲辰日有兩珥 十  
 年正月癸亥日珥四月丙戌日暈 十一年正月乙亥白虹  
 逼日 十三年十一月壬戌朔日食己卯日有黑子二日十  
 二月壬午日暈有珥 十四年四月己未朔日食 十五年  
 正月甲午日有黑子大如梨二月戊寅日有黑子大如梨辛  
 巳日無光三月庚子日有黑子辛丑亦如之十月庚戌朔日  
 食庚午日有黑子十一月甲午日珥癸卯亦如之十二月壬  
 戌日暈左右珥東有背氣 十七年三年乙卯日赤薄無光  
 六月丙子日旁有背氣外赤內黃七月己巳晦日食太史奏  
 此退食非災不足憂唯局救之 十九年二月辛酉朔日食  
 十二月乙巳日有東西珥 二十三年正月丁酉日暈有珥  
 二月辛酉日有珥南重暈 二十四年十二月戊午日珥  
 二十五年正月丙戌朔日食 二十六年二月己未日有背  
 氣色青赤 二十七年二月乙巳朔日食

神宗元年正月己亥朔日食 二年十一月癸卯日有珥良  
 方有背氣 三年正月戊戌日暈東西有珥北有背氣甲辰  
 又暈珥八月癸巳日有黑子大如李 四年三月壬子日中  
 有黑子大如李五月乙丑日暈八月乙巳日暈白氣貫日十  
 一月戊申朔日食隱不見十二月庚辰日有兩珥北有背氣  
 丙申日北有抱氣內赤外青 五年八月丙子日中有黑子  
 大如梨十二月甲申日北有朱暈如斷虹外有直氣東西有  
 珥 七年正月乙丑朔日中有黑子大如李凡三日太史以  
 晉咸康八年正月日中有黑子夏帝崩惡其徵不敢斥言但  
 奏日者人君之象若有瑕必露其隱  
 熙宗元年二月丙申日暈北有抱東有直氣西有背 五年  
 四月戊寅日有重暈東有兩背六月癸亥朔日食 六年二  
 月庚辰日暈有兩珥北有白氣交暈貫日十二月乙卯朔日  
 食  
 高宗元年九月壬戌朔日食 三年二月甲申朔日食 四  
 年三月壬辰日赤無光四月庚戌日傍有赤氣大如車輪南  
 北射氣如日七月丙子朔日食 五年六月辛亥虹霓環日

七月庚午朔日食九月乙亥日暈 六年十一月甲寅白虹

貫日十二月癸亥日珥 七年二月戊辰白虹貫日 八年

五月甲申朔日食 十年九月庚子朔日食十一月丙辰日

珥庚申日暈有兩珥辛酉日珥 十三年二月乙巳日暈

十四年正月癸亥日暈六月戊申朔日官奏日食雨不見

十五年正月甲辰日暈如虹十二月庚子朔日食 十七年

四月壬戌朔日食 二十一年八月丁卯日食密雲不見

二十九年十二月乙丑日暈 三十年二月乙丑虹貫日三

月丁丑朔日食十月甲午白虹貫日 三十二年七月癸巳

朔日食既 三十三年正月辛卯朔日食 三十六年四月

朔日食 三十九年二月乙卯朔日食 四十年十月己未

日暈有五色十二月壬子日珥癸丑日暈二重色如虹東北

有背氣太史奏一背在內一背在外中人與外人同謀 四

十一年正月庚寅日珥凡三日 四十三年四月庚寅日珥

四十四年正月戊子日珥十二月壬辰日暈有珥背氣

四十五年二月壬辰日青無光三月丁卯日色赤如血八月

癸巳日中黑子大如鷄子翼日又如人形

元宗元年正月甲午日昏無光三月戊辰朔日食四月己亥

日珥乙巳日有暈白虹貫日 二年正月癸亥日有珥 三

年十一月甲申日暈 五年十月丙午日暈十一月丁酉日

暈辛亥日暈丁巳日北有氣如虹色青赤長三十尺許癸亥

日有珥 六年三月甲午日西有背暈色青赤長可十尺

九年十月戊寅朔日食 十一年三月庚子朔日食 十二

年八月壬辰朔日食 十三年二月壬寅日珥乙巳虹抱日

八月丙戌朔日食十二月癸卯日珥 十四年正月乙卯朔

日珥十一月乙酉日東西北有暈如虹 十五年十月戊午

白氣貫日

忠烈王元年六月庚子朔日食八月甲辰日旁有氣如虹直

立如柱 二年十二月庚午日暈如虹 三年十月丙辰朔

日食 四年八月癸亥日中有黑子大如雞卵 七年二月

乙亥白虹挾日 八年三月丙子日珥七月戊午朔日食

九年正月丙辰朔日官奏曰日當食停宴會 十二年五月

丁卯朔日食 十三年十月戊午朔日食雨不見 十五年

三月庚辰朔日食日官不奏有司劾罪之 十六年八月辛

未朔日食 十八年正月甲午朔日食 二十年六月庚辰

朔日食 二十三年四月癸巳朔日食 二十四年十二月

丁巳日旁有赤氣 二十五年八月己酉朔日食 二十七

年十月丙戌五色虹圍日長三尺許日沒猶未滅 二十八

年六月癸亥朔日食陰雨不見 二十九年閏五月戊午朔

日食 三十年五月壬子朔日食 三十一年十一月辛未

雙虹挾日 三十二年正月辛酉虹挾日五色交輝三月癸

未朔日食十月丁未日有兩珥又北有輝

忠宣王四年六月乙丑朔日食

忠肅王二年二月己卯朔日有三珥四月戊寅朔日食五月

壬戌白虹貫日 六年二月丁亥朔日食 七年正月辛巳

朔元來告日當食故停賀正禮百官素服以待不食元史云

是日日食帝齋居損膳輟朝賀 八年二月壬申白氣貫日

四月辛未白虹貫日五月丁酉太白晝見犯日六月癸卯朔

日食既 九年十一月甲午朔日食 十六年三月丁卯虹

貫日七月丙辰朔日食

忠惠王元年十一月壬申朔日食

忠肅王後六年七月癸卯白虹貫日八月辛亥日有重暈

忠惠王後元年二月甲午日赤 四年四月丙申朔日食

五年九月丁亥朔日食

忠穆王二年二月庚戌朔日食 三年正月甲辰朔日食

四年十二月辛未虹貫日

忠定王元年三月乙巳日有五色重輪相貫 二年十一月

壬子朔日食

恭愍王元年四月癸卯朔元告日食不果食十月壬戌日暈

二年九月乙丑朔元告日食不果食四月戊申日無光

三年三月癸亥朔日食 五年正月甲午赤氣挾日長數尺

餘其中皆有日輪人言三日並出三月甲申日無光中有黑

子乙酉亦如之丙戌日澹無光直視不眩十二月戊午酉時

日之左右有氣如日光 六年六月甲辰朔日食閏九月庚

午日珥 七年正月庚子朔日暈六月戊辰朔日食十二月

乙丑朔日食司天臺夏官正魏元鏡奏日當食會天陰不見

御史臺言先時者殺無赦不及時者殺無赦今術者元鏡其

術不明請罪之厥後全羅道人有見日食故得免 十年二

月辛卯日有黑子四日四月辛巳朔日食既 十一年四月

辛丑白虹貫日九月己未日有黑子 十二年四月甲辰日

暈丁未甲寅乙卯丙辰癸亥丁卯戊辰亦如之 十三年正

月丁丑白氣交日四月丁巳日暈戊午辛酉亦如之五月甲

子日暈 十四年二月丙申日暈庚子辛丑癸卯亦如之三

月丁卯日暈九月丁丑日暈十月己丑日暈 十五年七月

辛巳朔日食既 十六年正月庚寅日下有環如日白虹匝

其外戊戌日暈兩珥如兩日二月己酉日有兩珥虹圍日十

一月乙亥白虹貫日乙酉日暈珥十二月癸卯朔日食天陰

不見丙午日重暈背珥 十七年二月甲辰日暈有珥戊申

日暈甲寅日暈并珥 十八年五月甲午朔日食 十九年

十二月庚午日有黑子 二十年三月癸丑日暈閏三月丁

卯白虹貫日九月癸巳日有黑子 二十一年四月壬午日

有黑子 二十二年正月壬子日暈甲寅亦如之三月癸卯

朔日食四月乙亥日有黑子二日十月乙亥日有黑子 二

十三年二月丁酉朔日食四月戊戌日暈己亥日珥癸丑日

暈乙卯亦如之十月辛亥日暈有珥庚申虹圍日日旁又有

大小二日癸未日珥

辛禡元年二月戊申日有黑子己酉亦如之七月己未朔日

食甲申日暈十一月甲戌日珥日背白虹貫日書雲觀奏曰

近者日珥日背白虹貫日以本文考之宜釋女樂入賢良

二年三月癸亥日無光五月丁卯日珥七月癸亥日背有冠

有珥甲子日背十二月壬子日有冠珥庚申日暈有珥有背

南虛 三年十二月乙巳朔日食 五年正月庚寅日抱日

背日冠日戴日珥有纓環之壬辰日珥乙未日暈丁酉亦如

之二月乙卯日暈庚申甲子亦如之三月庚辰日暈壬辰丙

申亦如之四月己亥日暈壬寅丙午丁未丁巳戊午亦如之

五月丁卯朔白虹貫日辛巳日暈癸未丙戌甲午亦如之

六年二月丁亥日珥四月丁丑日暈甲申亦如之五月癸未

日暈甲辰亦如之八月甲申有白虹貫日 七年二月戊午

日珥癸未日有黑子三月甲午日暈壬子亦如之四月壬申

日暈五月癸巳亦如之十月壬子朔日食 八年二月甲戌

日有黑子大如雞卵凡三日丙子日暈十一月甲寅星入日

中 九年六月丙申日暈有珥有抱有背己亥日傍西有半

暈八月壬辰日暈癸巳亦如之九月壬寅日暈 十年正月

戊申日有暈壬子日重暈有珥壬戌日暈丁卯亦如之四月

庚寅日暈十二月乙卯日珥 十一年正月甲申日珥三月

己丑日暈 十二年正月丙寅日珥白虹貫日二月甲寅日

珥四月戊戌日暈十二月癸未朔日食陰雲不見 十三年

三月丁丑日有黑子 十四年五月甲戌朔日食

恭讓王二年四月戊戌白虹貫日九月庚寅朔日食既 三

年三月戊子朔日食

月五星凌犯及星變

太祖十五年九月庚辰大星見東方俄變為白氣 十七年

九月丁巳老人星見

成宗八年九月甲午彗星見赦王責己修行養老弱恤孤寒

進用勳舊褒賞孝子節婦放逋懸蠲欠負彗不為災 十一

年十二月夜天門開

穆宗六年二月丁巳有流星光燭于地 九年彗星見 十

二年三月庚午月食

顯宗元年閏二月甲子月食十二月庚申大流星隕于郭州

二年四月癸丑月犯鎮星熒惑無光七月丙戌月食十一

月壬申太白犯鎮星十二月壬戌月入氐星 三年正月甲

申月食七月庚辰月食十月庚戌月食十一月丁酉月犯太

白十二月己卯月食 四年二月乙亥熒惑犯東井三月癸

卯有大流星自東而西聲如雷四月丁卯熒惑掩積尸七月

癸卯月犯歲星乙酉又犯軒轅九月癸巳大流星入于張翼

閏乙巳月犯畢大星 五年正月癸巳流星入翼甲午月掩

畢星壬子彗見于五車二月庚申彗入大陵五月辛卯太白

晝見鎮星犯鍵閉七月辛亥鎮星犯鍵閉八月庚辰鎮星犯

鍵閉十一月甲午太白入氐辛亥流星入氐 六年五月辛

丑大流星隕于西南六月丙辰月入氐星八月癸未月犯鎮

星壬寅流星入氐十月辛卯月食十一月乙丑月入太微

七年二月戊寅太白犯昴星又流星出軒轅入三台辛丑太

白經天壬寅月犯歲星四月己丑月食既大流星自東抵西

八月乙酉太白犯軒轅大星辛丑流星如雷其光照地見者

驚譟九月壬子流星大如月出張星入明堂靈臺十月壬申

朔太白犯上將庚子月犯太白十二月丁亥月犯熒惑己亥

熒惑犯軒轅大星 八年五月庚申飛星出河鼓南行聲如  
 雷七月庚子月入太微犯上相十月壬申太白入南斗十一  
 月己亥太白經天 九年六月丁酉流星出天市入北斗庚  
 戌彗出北斗第二星光射文昌天牢長四丈餘七月丁卯月  
 犯心後星辛未飛星出王良過壁聲如雷群犬驚吠十月庚  
 寅朔熒惑入太微犯上將十一月丁丑月犯軒轅十二月丁  
 巳彗見于天市垣宗正宗人市樓閉指西 十年正月戊寅  
 月犯心星五月丙寅太白晝見自正月以來月行陽道至是  
 犯左服次將星九月己卯月犯歲星是月歲星入太微犯右  
 執法十一月壬戌太白入氐丙寅歲星犯左執法十二月辛  
 亥彗見宗正宗人市樓閉 十一年正月庚午月犯左角三  
 月乙丑月貫右角六月丁亥月犯左角十月壬午貫南斗魁  
 十二月戊戌熒惑犯歲星閏月己巳月犯房左服 十二年  
 三月甲申月犯軒轅大星四月壬戌妖星見於太微九月庚  
 辰月貫哭泣己未又犯軒轅大星十一月戊戌月貫心後星  
 十三年正月癸巳月犯心後星三月戊子歲星犯房右驂  
 四月丙辰月犯庶子六月庚戌月犯心後星七月丙子月犯

心後星八月戊午歲星鉤已於房九月庚寅熒惑犯左執法  
 十二月甲寅歲星犯房左驂上相 十四年正月丁卯熒惑  
 犯房右驂上相戊子月貫心星五月戊辰熒惑退舍南斗魁  
 中六月甲辰月犯心後星九月丁丑熒惑犯哭星己丑流星  
 大如月入王良天策開十月癸卯流星入天倉十一月己亥  
 流星入攝提開甲辰月食十二月癸未月犯心前星 十五  
 年正月戊戌太白晝見二月壬戌月犯太白四月癸亥月犯  
 心前星五月壬寅月食十一月天門開丁丑月犯心前星  
 十六年正月戊申月犯熒惑三月庚戌熒惑犯哭星六月甲  
 辰大流星出角西行十月甲寅太白犯南斗魁第三星 十  
 七年正月壬寅流星出太微入紫微三月丙午飛星大如缶  
 色白白出攝提入尾聲如雷四月辛酉月食太史不告命御史  
 臺鞠之六月癸未大飛星入心尾閏九月戊午月食 十八  
 年三月乙卯月食六月庚寅大星飛出牽牛入箕杵閒辛卯  
 熒惑犯胃星十一月戊申月吞歲星 十九年正月丁巳月  
 犯鉤鈴六月壬申白氣貫紫微北斗丁亥飛星出大角入氐  
 七月己亥月入氐星大流星自北而南其光照地己未月入

畢星八月戊寅歲星犯井鉞 二十年五月丙子白氣貫北  
 斗射室壁六月壬辰有飛星大如燈籠自外屏入土司空乙  
 未月入氐星戊戌飛星出紫微宮入天市垣色赤七月甲子  
 月犯鉤鈴八月丁亥晴時大流星指西南行 二十一年二  
 月戊辰月當食不食四月乙酉教曰上年十二月宋曆以謂  
 大盡而我國太史所進曆以為小盡又今正月十五日奏太  
 陰食而卒不食此必術家未精也御史臺推鞠以聞 二十  
 二年二月辛巳歲星犯軒轅大星鎮星犯天關四月癸卯大  
 流星入天市垣六月辛巳乾方有流星大如月七月庚申月  
 食八月辛丑月犯軒轅大夫人九月庚申大星入輿鬼十月  
 己亥月及歲星入太微十二月戊午月食  
 德宗元年正月乙酉月犯軒轅大星二月丁未太白晝見夜  
 犯昴星三月丁酉流星出太微入軒轅五月辛酉歲星入太  
 微六月乙丑月犯太白八月丁未月犯建星太白犯軒轅丁  
 巳月犯畢大星甲子流星出王良入天紀乙丑出軒轅九月  
 丙子流星出北斗入紫微宮太白犯太微右執法辛巳月犯  
 坐星戊子犯鎮星十月癸丑天狗墮西方 二年五月庚辰

月食 三年三月丁卯鎮星入輿鬼凡二十三日四月壬子  
 歲星犯房右膝七月癸酉月入氐流星出五車入諸王甲午  
 月犯房上相甲辰歲星犯鉤鈴十月乙亥月犯軒轅大夫人  
 靖宗元年四月丁巳月犯太白六月丙辰太白晝見八月癸  
 亥太白晝見九月辛巳朔熒惑犯鎮星壬午流星出天倉乙  
 巳月入太微丙午又犯上相十月丁卯月暈三重戊辰流星  
 自坤至艮而行丙子月犯太白 二年正月丁酉流星出太  
 微入軫八月戊辰流星出五車入諸王九月辛巳流星出天  
 苑入羽林十月丁未流星出五車入內階癸丑太白犯南斗  
 庚午太白犯氐星十一月庚辰熒惑歲星同舍甲辰流星出  
 大角入女林 三年二月乙丑月入南斗癸酉彗星五出長  
 各五六尺三月戊子月食四月丁巳流星出氐入太微壬申  
 大流星出角入南門色赤七月乙巳月貫心星庚申辰星熒  
 惑太白聚于張七月丁卯有三流星大如杯一出卷舌入五  
 車一出天船入鉤陳皆色赤一出八穀入鉤陳色白十月丙  
 子流星大如半月出翼入斗魁色赤戊寅熒惑進賢 四  
 年二月乙酉月犯心星三月辛丑小星犯月七月辛丑太白

晝見八月癸酉流星大如半月出天苑壬辰流星大如杯出

五諸侯入軒轅 六年三月乙亥月犯熒惑壬午太白犯五

車四月戊申熒惑犯哭星六月戊戌月食七月戊午歲星臨

東井癸亥月犯南斗八月戊申月犯軒轅夫人十月丙戌歲

星留東井十三日又犯西轅北端十一月癸丑歲星犯鉞甲

寅流星大如升尾長一丈餘出東井入軒轅庚申流星大如

升尾長一丈出參星入闕丘十二月癸卯流星大如杯長十

三尺許出織女入天市垣 七年八月彗星見東方長三十

尺許二十餘日乃滅十月彗星長三十尺許出東方十餘日

八年七月丁未衆星流轉十一月甲申月食 九年二月

乙卯熒惑太白並失度九月癸未月犯昴星 十一年四月

辛丑月食

文宗二年二月癸酉流星出郎將東入大角攝提閒大如木

瓜光芒照地 三年正月己酉月食七月丙午月食 四年

六月壬午流星出牛入雞大如木瓜色赤九月乙酉黑氣經

天衝乾巽方貫虛危歲星甲午月犯鎮星己酉犯熒惑十月

庚午熒惑入太微十一月戊子熒惑犯太微上相庚寅月犯

鎮星熒惑守端門癸卯月入太微犯謁者十二月辛卯月犯

畢 五年五月乙丑月食十一月壬戌月食 六年二月辛

巳月犯畢三月丙辰月入太微天庭又犯屏星五月甲寅月

犯亢上星六月辛卯月入哭星己亥流星大如木瓜出太微

入天市色赤十月丙申月入太微天庭犯謁者星十一月丁

巳月食 七年正月癸卯熒惑入氐辛亥歲星入月丙辰太

白晝見己未月犯角星二月乙亥彗出庫樓入翼長丈餘四

月戊寅月犯太微西垣次相癸未又入氐星五月丙寅月犯

太白七年壬子熒惑犯房甲寅流星出牽牛入天田色赤長

丈餘八月乙巳熒惑犯南斗十二月丁未月犯北轅乙卯歲

星犯鬼宿壬戌歲星犯中鎖 九年九月庚午月食 十年

八月甲子月食 十二年正月丁亥月食閏十二月辛巳月

食 十三年六月戊寅月食十二月乙亥月食 十四年十

二月庚午月食 十五年正月戊子太白晝見辛丑時有

流星大如木瓜向乾而滅 十七年五月庚戌有星出大角

字于氏七月乙丑有星尾長數尺出坎字于氏大如斗九月

己亥朔熒惑躔鬼西行而沒十月己巳有星出天市抵尾箕



大如斗甲申月食 十九年六月乙卯有客星大如燈八月  
 戊子朔歲星熒惑失度設離毳庭以禳之十月己丑流星出  
 營室入天將軍大如木瓜十二月甲辰有星出奎過東壁入  
 羽林大如木瓜色白 二十年二月庚子月食三月丁丑有  
 星出乾方大如月俄變為彗孛 二十一年七月辛巳流星  
 出墓歷危疾行入織女分為六七如紅纓貫白玉其前者大  
 如木瓜後者如雞卵有聲如雷良久乃止癸巳太白晝見九  
 月庚子月犯熒惑及太微扉星十二月癸丑月犯畢奕星  
 二十二年四月乙卯月行陰道躔左執法又犯軫星九月壬  
 辰月犯軒轅 二十三年閏十一月戊申月食 二十四年  
 正月丁酉月入天庭犯左執法熒惑犯房北右弼歲星行陰  
 道守天江庚子星隕于大丘縣化為石 二十五年十一月  
 丙申月食不見 二十六年二月甲寅流星出亢入房大如  
 月七月戊子熒惑入羽林閏七月庚申月犯熒惑九月丙午  
 有星如火犯營室丙辰羽林入月 二十七年正月己酉流  
 星出大角入北斗魁中癸酉流星出大陵入婁胃南二月甲  
 午月犯南斗三月戊午月食七月丙午流星出王良入河鼓

辛亥月犯南斗魁丁巳入羽林八月丁丑太白晝見客星見  
 于東壁星南九月庚戌夜天苑星南天裂廣可五六寸中有  
 赤色辛亥月入羽林乙卯月食密雲不見己巳太白犯南斗  
 魁第三星十月癸酉月入南斗魁甲戌有流星出柳入軒轅  
 大如鉞十一月丙寅夜文昌西天裂長十五尺廣三尺色青  
 赤 二十八年正月壬戌月入南斗魁癸亥又犯第二星二  
 月戊寅流星出參西行大如木瓜乙酉月暈光芒如彗長三  
 十餘尺七月庚申客星見東壁星南大如木瓜九月辛丑月  
 犯南斗魁中第一星己酉月食十一月己亥流星出文昌抵  
 西北而沒大如鉞十二月丁亥月入氐星 二十九年四月  
 戊寅流星出角入井鬼閏七月癸酉流星出南斗疾行至尾  
 而散長丈餘庚辰月犯昴九月辛巳流星入天樞大如木瓜  
 壬午流星出天津入河鼓大如杯丁亥流星出下台東北入  
 軒轅戊子流星入華蓋大如燈十月癸巳流星出天南入軫  
 大如木瓜丙申彗見于軫星長七尺餘 三十一年正月丙  
 寅月食 三十二年正月庚申月食六月甲寅月食宋使救  
 之國人不之覺以日官掣壺正崔士謙撰曆失於推步不以